

"केह् होआ दा ऐ ? तुस सब्भै बड़े मसरूफ सेही होआ दे ओ ? दादी होरें पुच्छेआ। अस मेलै जा करने आं, दादीजी। तुस बी साढ़े कन्नै चलो हां! नीता ते राधा ने बिनती कीती।

अरे हां, तुंदी माऊ ने मिगी बी कन्नै चलने आस्तै आखेआ हा।तुंदे कन्नै जंदे मिगी बी खुशी हुंदी। पर तुस जानदे ओ जे मेरे पैर दुखदे न,दादी जी ने आखेआ।नीता दे पिता गल्ल-बात च शामल होई गे। साढ़े कन्नै मते सारे लोक न।





"आहो दादीजी! साढ़ा खास बैग बी त्यार ऐ,नीता ने जवाब दित्ता। ञ्याणें खुशी कन्नै नच्चन लगी पे। सारे बड़े खुश हे जे दादी होर चलने आस्तै राजी होई गेन।

नीता दे पिता ने अपने गुआंढियें गी फोन करियै उ'नें गी टैमा-सिर त्यार होने आस्तै आखेआ। मोहन चाचा ने उ'नेंगी फोन करियै आखेआ जे ओह् नीता ते ओह् दे परोआर कन्नै

सिद्धे मेले च मिलङन। ओह् मेला मैदान तक्कर पुज्जने आस्तै इक सिटी बस ते फ्ही इक ऑटोरिक्शा लैङन। वाह! अस किन्ने जनें आं। असेंगी मजा औने आह् ला ऐ! राधा ने आखेआ।




चर्चा करना

- तुसें गी केह् लगदा ऐ जे नीता ते राधा दे परोआर आसेआ लेते गेदे खास बैग च केह् हा ?
- . तुस जात्तरा आस्तै अपने आपै गी कि'यां त्यार करदे ओ ?



स्नेहा ते रोहित छड़े नीता दे गुआंढी गै नेईं ऐन; ओह् बड़े गैह्रे मित्तर न। ओह् बी मेले च जाने आस्तै त्यार होआ दे न। स्नेहा, तौले त्यार होई जाओ। नीता दा परोआर तौले गै औने आहुला ऐ, उं'दी मां ने आखेआ।;में तकरीबन त्यार आं मां।



स्नेहा ने अग्गें आखेआ जे में छड़ा एह पक्का करा

करनी आं जे में अपनी लोड़ आह्ली हर चीज अपने कन्नै लेई जा नेईं। जाने दा बेला होई गेआ ऐ। नीता दा परोआर आई गेआ ऐ,ओह दे पिता ने आखेआ । एह् दे फौरन परैंत्त, ओह् सब्भै मेले आस्तै रवाना होई गे । ओह् दौनें दिशाएं च चलने आह् लियें गड्डियें पर नजर रखदे होई सिड़कै पर सावधानी कन्नै चले।



दादी दा हत्थ पकड़ी ऐ, उ'नें गी बल्लें-बल्लें बस अड्डे तगर लेई गेई। ओह् सिड़कें पर दौनें बक्खी दिखदें होई बड़े ध्यान कन्ने चलै करदें हे। बस्स नंबर 401 बल्लें-बल्लें रुकी गेई। कंडक्टर ते नीता दे पिता ने दादी जी गी बस्सै च बठालेआ। इक सीट बजुर्ग लोकें आस्तै ही। जेह् दे पर दादी होर अराम कन्ने बैठी गे।

सब्भै बस्सै च दादी जी दे चबक्खै बैठी गे। रोहित दे पिता ने सभनें आस्तै टिकट खरीदने पर जोर दित्ता। उ'नें कंडक्टर गी आखेआ,पंज टिकटां पूरियां ते चार अद्धियां देआओ।उ'नें ज्याणें गी अपनी सीटें पर टकाई करियै बौह् ने आस्तै आखेआ। उ'नें उ'नेंगी अपनी सुरक्खेआ आस्तै हत्थ जां सिरै गी दुआरियें शा बाह्र नेईं रक्खने आस्तै बी आखेआ। बस्स शैह्रै थमां होइयै आखरकार उस बड्डे मदान च पुज्जी गेई जित्थै मेला लग्गे दा हा।




चर्चा करना


तुस अपने शैह् र / कस्बे / ग्रांS च जात्तरा केह्दे पर करदे ओ ? बस्स, कार जां साइकल चलांदे मौकै सुरक्खेआ पुआ की जरूरी न ?



तुसें अपने दोस्तें, गुआंढियें जां परोआर दे कन्नै कीती दी कुसै बी जात्तरा दा मुखसर वर्णन करो।







मेले च

दोऐ परोआर बड्डे परेड ग्राउंड च पुज्जे जित्थै मेला लग्गे दा हा। मोहन चाचा ते उं'दा परोआर बी इक ऑटो रिक्शा चा उतरे। दरोआजे पर, मेला मदान दा इक नक्शा हा जेह्दे च बक्ख-बक्ख स्टालें ते उं'दे थाह् रें गी दस्सेआ गेआ हा। एह् दे कच्छ इक एम्बुलेंस, पुलस जीप ते अग्ग बजाने आह्ली गड्डी खड़ोती दी ही। स्वयंसेवकें कन्नै इक लॉस्ट एंड फाउंड बूथ बी हा। मोहन चाचा ते रोहित तौले कन्नै दादी आस्तै व्हीलचेयर लैने गे।



जि'यां गै ओह् अंदर दाखल होए, उ'नें खेढें, खडालें, मठेआइयें ते केईं दिलचस्प चीजें आह्ले स्टाल दिक्खे। ज्याणे मते खुश हे। उ'नें खडौनें दे स्टाल दा दौरा कीता



जित्थुआं उ'नें घुमने आह्ले खलौने, कठपुतिलयां, फिरकी ते गुड़ियां खरीदियां। एह्दे परैंत ञ्याणें मेरी-गो-राउंड ते बड्डे चक्करै पर सुआरी कीती। स्नेहा ते राधा ने चूड़ियां ते होर केईं टल्ले खरीदे।





नीता ने आखेआ, चलो हून चलचै ते मैजिक शो दिक्खचै। एह्दे परैंत उ'नें मैजिक शो दा बी नंद लैआ! मोहन चाचा ने ञ्याणें गी आखेआ, तुसें बड़े मजे कीते न; हून चलो खाने आस्तै किश लैचै। पर खाने शा पैह्लै तुसें गी अपने हत्थ ठीक चाल्ली धोने दी लोड़ ऐ।

ञ्याणे पानी आह्ली थाह्रै पर गे ते अपने हत्थ धोते। उ'नें सभनें गोल गप्पा, चाट, छोले कुल्चे, रबरी दे कन्नै गर्म जलेबी, कुल्फी ते केईं होर सुआदिलयां चीजां खादियां। खाने परैंत्त, उ'नें तैऽ कीता जे ओह् सारे कूड़े गी कूड़ेदान च पाङन। जि'यां गै ओह् मेले शा बाह्र जा रदे हे, दादी जी ने आखेआ, दिक्खों ञ्याणेंओ! पुलस अधिकारी कन्नै कुन ऐ? सभनें कट्ठे जवाब दित्ता, दादीजी, एह् इक पुलस कुत्ता ऐ!



क्या तुस जानते

कुंभ मेला दुनिया दा सभनें शा बड्डा ध्हार ऐ। एह् मनुक्खता दा सभनें शा बड्डा कट्ठ ऐ ते गंगा, यमुना, गोदावरी ते शिप्रा नदियें दे कंढे पर एह् मेला लगदा ऐ। एह् हरिद्वार, प्रयागराज, नासिक ते उज्जैन च हर 12एं ब'रें च इक बारी लगदा ऐ।



- . लॉस्ट एंड फाउंड बूथ दा उद्देश केह ऐ ?
- . पुलस कुत्ते दी केह् भुमका ऐ ?
- . क्या तुस कदें कुसै मेले च गे ओ ? मेले च तुसें गी केह् ड़ियां चीजां सभनें शा मतियां पसंदुआइयां ?



चर्चा करना

अनुभव सांझा करना

नीता, राधा, स्नेहा ते रोहित दे थाह् रै पर अपने आप दी कल्पना करो। क्लास कन्नै उनें दिलचस्प चीजें गी सांझा करो जेह् ड़ियां तुस मेले च करगेओ।
























- परोआर दे बजुर्गें कन्नै गल्ल करो ते पता करो जे जिसलै ओह् लौह्के हे तां मेले किश चाल्ली बक्खरे हे।
- मेले च अग्ग स्हालने आह लियां गड्डियां ते एम्बुलेंसां की हुंदियां न ?





स्केच दा अध्ययन करो ते जवाब देओ।

- . नक्शे पर रोहित ते स्नेहा दे घरै गी तुप्पो ते गोला करो।
- . नक्शे पर नीता ते राधा दे घरै गी तुप्पो ते गोला करो।
- . परेड ग्राउंड दे कोल कुसदा घर ऐ ?
- . जे तुसें गी पुलस स्टेशन कोला परेड ग्राउंड जाना ऐ, तां तुस कुस थाह् रें थमां लंघगेओ ?





दित्ती गेदी थाह्रै च, घर कोला स्कूल तगर दे रस्ते दा रेखांकन करो जेह् दा तुस हर रोज पालन करदे ओ।



आओ अस बचार करने आं

A. क्क्लास च चर्चा करो

- 1. अस अपने बजुर्गें दी दिक्खभाल कि'यां करी सकने आं ?
- 2. अस अपने आस्सै-पास्सै किश चाल्ली दियां गड्डियां दिक्खने आं ?
- 3. अस जात्तरा दे दरान सुरक्खेआ कि'यां तैऽ करी सकने आं ?

B. चित्रें गी शब्दें कन्ने मलाओ

चंदी चा इक मनासब शब्द चुनो, इसगी इक तस्वीर कन्नै मिलाओ ते तस्वीर दे ख ल्ल शब्द लिखो। इक तुं दे लेई कीता गेआ ऐ।




स्वयंसेवी








अग्निशामक





कठपुतली

चूड़ी बेचने आह् ला

स्वयंसेवी

पुलस अधिकारी

मेडिकल अटेंडेंट

मैंह्दी लाने आह्ला











C. अपनी नोटबुक बनाओ

अपने स्कूल ते घर दे आस्सै-पास्सै लब्भने आह् लियें बक्ख-बक्ख गड्डियें दे चित्तर बनाओं ते लेबल लाओं।

D. भूमिका नभाओ: इक नकली मेले लाओ

अपने शिक्षक दी मदद कन्नै, अपनी कलासै च इक नकली मेला लाओ। मेले दा हिस्सा बनने आह्ली बक्ख-बक्ख भूमिकाएं, स्टालें ते खेढें पर चर्चा करो ते योजना बनाओ। अपने सटाल लाने,खरीदने आह् ले ते बेचने आह् ले दी भूमका आस्तै ऐसी शिक्षण समग्गरी दा इस्तेमाल करो जेह्ड़ी असानी कन्नै उस्सै थाह्रा परा लब्भी जा। जियां खडालीं, कठपुतलियां, नकली पैहे, लघु चित्तर ते मित्ती दे माडल।

